

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 414
e – mail: info@voda.ba

Broj: **UP-1/21-3-40-024-7/22**
Datum: **15.03.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Beton plus“ d.o.o. Doboj za donošenje rješenja o vodnoj dozvoli za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za proizvodnju betona kapaciteta 30 m³/h, sa pratećim sadržajima, lociranog na zemljištu označenom kao k.č. 3243/1 K.O. Klokotnica, općina Doboj Istok, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98 i 49/99), donosi

RJEŠENJE **o vodnoj dozvoli**

1. Pravnom licu „Beton plus“ d.o.o. Doboj daje se vodna dozvola za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za proizvodnju betona kapaciteta 30 m³/h, sa pratećim sadržajima, lociranog na zemljištu označenom kao k.č. 3243/1 K.O. Klokotnica, općina Doboj Istok.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješatelj o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (betonski taložnik, betonski kanali i slivnici, betonski separator ulja i masti, kanalizaciona mreža i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da korisnik poslovnog objekta za sve vrijeme trajanja ove vodne dozvole obezbjeđuje da se vode od pranja tehnološke opreme i dio vode sa radno-manipulativnih površina koje gravitiraju postrojenju prikupljaju putem kanala sa slivnom rešetkom i nesmetano odvede do dvokomornog betonskog taložnika odakle preko preliva dalje odlaze do dvokomornog armirano-betonskog separatora ulja i masti sa prelivom u rijeku Spreču.
 - 3.4. Da korisnik poslovnog objekta za sve vrijeme trajanja ove vodne dozvole obezbjeđuje da se dio istaložene vode iz komore taložnika ponovo vraća u proces proizvodnje betona, tj. da se provodi recirkulacija vode.
 - 3.5. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
 - 3.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).

- 3.7. Ukoliko rezultati analiza vode ukažu na prisustvo ulja i masti iznad dozvoljenih vrijednosti propisanih Uredbom, tada se Investitor obavezuje da izvrši ugradnju separatora ulja i masti sa koalescentnim filterom u skladu sa normom 858 EN.
- 3.8. Ukoliko Vlada Tuzlanskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u tabeli 1. Priloga 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
- 3.9. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.10. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.11. Da se istrošena ulja, nauljene krpe i sav opasan otpad koji će nastati na prostoru postrojenja za spravljanje betona i betonske smjese redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.12. Da se vrši redovno održavanje ispusta, dijela obale i korita rijeke Spreče kao i pristupa mjestu na kojem se nalazi ispuštanje otpadnih voda iz predmetnog kompleksa.
- 3.13. Da se u toku važenja ove dozvole na mjestu skladištenja tečnih goriva tj. oko nadzemnog rezervoara kapaciteta 10 m³ izgradi tankvana iste ili veće zapremine.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
9. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Beton plus“ d.o.o. Doboj obratio se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za proizvodnju betona kapaciteta 30 m³/h lociranog na zemljištu označenom kao k.č. 3243/1 K.O. Klokočnica, općina Doboj Istok.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

A- Opšta dokumentacija:

- Aktuelni izvod iz sudskog registra, broj:60-0-RegZ-21-001352 od 01.01.2021. godine izdat od strane Okružnog privrednog suda Doboj – ovjerena kopija,
- Uvjerjenje o registraciji/upisu u Jedinstveni registar obveznika indirektnih poreza, broj:04/1-17-1-UPJR/1-1421-2/19 od 04.03.2019. godine izdato od strane Uprave za indirektno – neizravno oporezivanje Banja Luka - ovjerena kopija,

- Rješenje, broj:05-30-133/19-5 od 07.06.2019. godine izdato od strane Općinske službe za prostorno uređenje Doboj Istok – kopija,
- Rješenje, broj: 027-0-Dn-19-001 062 od 30.05.2019. godine izdato od strane Općinskog suda u Gračanici – kopija,
- Obavještenje o razvrstavanju poslovnog subjekta po djelatnosti, broj: DO-S-147/19 od 12.04.2019. godine izdato od strane Agencije za posredničke, informatičke i finansijske usluge Banja Luka - ovjerena kopija,
- Zemljišnoknjižni izvadak, Katastarska općina Klokotnica, broj: 027-0-NAR-20-002 069 Zemljišnoknjižni uložak broj: 2880 izdat od strane Općinskog suda u Gračanici – kopija,
- Uvjerjenje o registraciji poreznog obveznika od 18.07.2019. godine izdat od strane Kantonalnog poreznog ureda Tuzla – kopija,
- Obavještenje o razvrstavanju dijelova pravnog lica prema klasifikaciji djelatnosti, broj 07-32.5-88243/19 od 30.08.2019. godine izdato od strane Službe za statistiku za područje Tuzlanskog kantona – kopija,
- Rješenje o vodnoj dozvoli, broj:UP-I/25-3-40-586-5/17 od 21.01.2019. godine izdato od strane Agencije za vodno područje rijeke Save, Sarajevo – kopija,
- Rješenje o vodnoj dozvoli, broj:UP-I/25-3-40-586-4/17 od 21.12.2017. godine izdato od strane Agencije za vodno područje rijeke Save, Sarajevo – kopija,
- Izvještaj o monitoringu kvaliteta i kvantiteta otpadnih voda pogona za proizvodnju betona „Beton plus“ d.o.o. Doboj Istok, broj izvještaja: 177/22 urađen od strane „Inspekt RGH“ d.o.o. Sarajevo, februar 2022. godine,
- Računi broj: 3195-2924 23.11.2021, 3661-2924 od 29.12.2021, 2941-2924 od 28.10.2021., 3019-2924 od -10.2021. godine izdati od strane „Doboj promet“ d.o.o. Doboj Istok – kopije,
- Dokaz o uplaćenju federalnoj upravnoj pristojbi na zahtjev

B- Tehnička dokumentacija:

- Glavni projekat – vanjsko uređenje, broj: 52-J/04 urađen avgusta 2004.godine od strane «ENGRAD» d.o.o. Miričina,
- Glavni projekat, broj: 636-MM/03 urađen decembra 2003.godine od strane «ŠIRBEGOVIĆ» d.o.o. Gračanica,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20) izvršen je uviđaj na prostoru proizvodnog pogona betonare sa pratećim sadržajima „Beton plus“ d.o.o. Doboj lociranog na zemljištu označenom kao k.č. 3243/1 K.O. Klokotnica, općina Doboj Istok i tom prilikom sačinjen Zapisnik o izvršenom uviđaju broj: UP-1/21-3-40-024-4/22 od 10.03.2022. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- U prethodnim postupcima Agencija je izdala rješenje o vodnoj dozvoli pravnom licu „SEP“ d.o.o. Doboj Istok, za ispuštanje tehnoloških otpadnih voda sa lokacije pogona za proizvodnju betona izgrađenog na zemljištu označenom kao k.č. 3243/1 K.O. Klokotnica, općina Doboj Istok, broj: UP-I/25-3-40-586-4/17 od 21.12.2017. godine. Pravno lice „Josipović“ d.o.o. Doboj je kupilo nekretninu od pravnog lica „SEP“ d.o.o. Doboj Istok i Agencija je izdala novo rješenje o vodnoj dozvoli, broj UP-I/25-3-40-586-5/17 od 21.01.2019. godine. Pravno lice „Beton plus“ d.o.o. Doboj je od pravnog lica „Josipović“ d.o.o. Doboj kupilo nekretninu i podnijelo zahtjev za izdavanje rješenja o vodnoj dozvoli ovoj Agenciji.
- Predmetni kompleks izgrađen je u naselju Klokotnica – Doboj Istok. Izgrađeni su sljedeći objekti: upravna zgrada, postrojenje za proizvodnju betona, silos za skladištenje cementa, deponija agregata te radno-manipulativne površine. Deponija agregata je odvojena od radno-manipulativnog prostora i zaštićena je zbog denivelacije terena, potpornim zidom.
- U sklopu kompleksa izgrađen je mješoviti sistem kanalizacije.
- Investitor vrši redovno održavanje ispusta, dijela obale i korita rijeke Spreče kao i pristupa mjestu na kojem se nalazi ispust otpadnih voda iz predmetnog kompleksa (tačka 2.4. Rješenja o vodnoj dozvoli).
- Snabdijevanje vodom betonare vrši se priključkom na javnu vodovodnu mrežu kojom upravlja JKP „Čisto“ d.o.o. Doboj.

➤ Skladištenje tečnih goriva se vrši u nadzemnom rezervoaru kapaciteta 10 m³. Nije izgrađena tankvana.

➤ Popravka i servisiranje miksera i dr. mehanizacije se ne vrši na predmetnoj lokaciji, nego po Ugovoru sa firmom „Doboj-Promet“ d.o.o. Doboj Istok.

➤ Radno-manipulativne površine su betonirane. Tehnološke otpadne vode koje nastaju prilikom pranja miksera, druge procesne opreme i radnog platoa putem slivnika odlaze do dvokomornog betonskog taložnika odakle preko preliva dalje odlaze do dvokomornog armirano-betonskog separatora ulja i masti. Recipijent i oborinskih i onečišćenih voda je rijeka Spreča. Dio istaložene vode iz komore taložnika se ponovo vraća u proces proizvodnje betona, recirkulacija vode.

➤ Investitor je angažovao certificiranu laboratoriju „Inspekt RGH“ d.o.o. Sarajevo da izvrši monitoring otpadnih voda sa predmetne lokacije. Rezultati analiza kvaliteta i kvantiteta otpadnih voda tj. izmjereni parametri zadovoljavaju granične vrijednosti emisije otpadnih voda koje se ispuštaju u prirodne recipijente, u skladu sa odredbama Uredbe.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije. Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva „Beton plus“ d.o.o. Doboj ispunio minimum uslova za izdavanje vodne dozvole za ispuštanje otpadnih voda i aktivnosti koje mogu imati specifične uticaje na vode sa lokacije proizvodnog kompleksa objekata betonare, sa pratećim sadržajima, izgrađenog na zemljištu označenom kao k.č. 3243/1 K.O. Klokotnica, općina Doboj Istok te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačku B obrazloženja rješenja

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- Beton plus d.o.o.

Karadorđeva br.28A, 74000 Doboj, (sa prilogom),

○ AVP Sava, ISV – Vodna knjiga,

- Sektor 50,

- Sektor 40, arhiva,

- Oglasna ploča-AVP Sava